

609691

愚齋存稿初刊

二七

卷之六

卷之六

卷之六

卷之六

卷之六

卷之六

卷之六

卷之六

卷之六

卷之六



愚齋存彙卷第四十一目錄

電報十八

李中堂寄榮中堂電

劉峴帥來電

張香帥來電

袁慰帥來電

劉峴帥致李相張帥電

李中堂寄峴香兩帥電

寄江督劉峴帥鄂督張香帥

張香帥來電

又

袁慰帥來電

劉峴帥來電

又

寄江督劉峴帥鄂督張香帥東撫袁慰帥

寄濟南袁慰帥

張香帥來電

又

袁中丞來電

寄江督劉峴帥鄂督張香帥東撫袁慰帥

寄鄂督張香帥

張香帥來電

寄北京慶親王

袁中丞來電

劉峴帥來電

福州善星源將軍來電

寄福州善將軍

寄保定廷邵民護院呂道生軍門

寄大沽李中堂

寄慶親王

恩齋字彙

卷四十一目錄

二思補樓藏版

俄京楊使寄李中堂電

東京李星使來電

寄李中堂

寄東京李星使

寄濟南袁慰帥

寄北京慶王

袁慰帥來電

又北京慶王

寄江督劉峴帥鄂督張香帥東撫袁慰帥

保定榮中堂廷護院來電

劉峴帥來電

袁慰帥來電

張香帥來電

寄大沽轉天津李中堂

寄江督劉峴帥鄂督張香帥山東袁慰帥

袁慰帥來電

寄江督劉峴帥

劉峴帥來電

寄天津李中堂江鄂濟南督撫帥

寄鄂督張香帥



愚齋存集 卷四十一 目錄  
寄保定榮中堂廷護院

寄濟南袁慰帥

保定廷護督來電

張香帥來電

福州善將軍來電

寄天津李中堂

寄福州善將軍

寄李中堂

寄天津李中堂江督劉峴帥鄂督張香帥

寄太原王中堂

寄江督劉峴帥

寄東京李星使

東京李使致江鄂督帥電

袁慰帥來電

寄天津李中堂

閩督許筠帥來電

劉峴帥來電

大沽李中堂來電

陝撫端午帥來電

東京李星使來電

陝撫端午帥來電

寄東京李星使



愚齋存彙卷第四十一

電報十八

李中堂寄榮中堂電

光緒二十六年八月十七日

頃接香帥諫電云駐滬德國新派穆使十五洋文  
電譯其文曰云云始可望有開議之端等語德新  
使到滬並不來拜其繙譯葛爾士晤杏蓀兩次據  
云德兵四萬先到二萬必不允停戰無論一年兩  
年兵餉不怕中國不賠詰以將欲滅我大清乎  
曰無之抑倡議分我中國乎曰亦不必告以德再  
肆擾倘因此釀成瓜分俄法英日如佔我地皆可

毘連德爲戎首而佔地不能聯屬轉失通商之利  
爲德計實不值葛云此皆可由新使達政府但德  
王吩咐有必欲辦到之事李中堂能請於朝方能  
開議所請辦者與穆使答香帥意同昨和使克羅  
伯出京密稱各公使欲請歸政嚴辦庇匪諸人始  
肯開議答以 太后訓政兩朝削平大難臣民  
愛戴此次拳匪發難只恐禍起肘腋不得已徐圖  
挽救各督撫皆奉過 密旨現在京城失陷 乘  
輿播遷其所以致此奇禍中外髮指 太后聖  
明決斷將來必有辦法和使云我是小國但聽各

大國心懷忿怒必欲辦到而後止如能出於

太后自辦免得受人挾制各國自能心悅誠服否  
則中堂雖有全權各國尙難就議等語八月初三  
初九兩次發摺鈔呈俄電亦同此意俄雖先允撤  
兵至津日本亦允先撤一旅團但爲德梗恐夜長  
夢多變幻莫測現奉初三大同 寄諭著卽乘輪  
船來京會同慶親王商辦一切事宜現准二十一  
坐俄艦赴津聞慶邸初十到京自應晤商再與各  
使開議慰廷來電接十二日尊函謂內廷無人工  
持贊襄必多掣肘擬由獲鹿赴晉深佩蓋籌周密

前但據日本來電奏請添派公即奉 旨儘可以

各國謂圍攻使館有甘軍在內爲詞恐涉嫌疑自

請暫留 行在蓋各國既將其所以憤恨之故大

聲叫破是旋乾轉坤仍在 聖明內斷於心如

深宮默念傾危 宗社是誰所爲即辦誰之

罪或議親議貴分別輕重則開議後亦有詞可措

鴻不能趨 行在面陳又非奏牘所能盡言讀公

五月三十日寄各督撫公電痛哭流涕忠貫金石

輔翊 兩宮再造 社稷仍不能不仰望於

公務請速赴 行在披瀝獨對以冀挽回 聖聽



國脈存亡實係乎此並乞隨時電示庶使開議稍有把握此電係由德州專送保定交孫道鍾祥譯繕沿途探投收到之日請先復一電仍由保定專送德州俟抵太原請將密電驛遞俟馬電局徑電上海交杏蓀由海線遞津寄京較妥速

劉峴帥來電

八月十七日兼致李中堂張袁兩帥

香帥銑諫各電均悉默察現在情形商德最爲棘手有戕使之嫌而未得獨遂其欲也由俄日兩國入手探詢意指自是善策然大要不外和使所言第二節穆使固已明言亦卽從前如各使被害歸

咎政府之意如俄日指請懲辦政樞方肯開議中  
堂到北晤商慶邸當可酌量辦理劾董請解兵柄  
極要請中堂領銜香帥主稿會各省並挈做銜密  
奏事機甚緊可勿再商至勦匪一事中堂已有此  
奏尙未奉 旨度無不允之理能再申前請亦可  
加勁並祈香帥酌辦鄙見勦匪本督撫應辦之事  
中堂到任後必當放手爲之但能得一 明旨庶  
可稍謝外人耳

張香帥來電

八月十七日兼致李中堂

中堂何日啟程北上祈示此後事機日急北方消

息難速且南北應商之件極多電線不通實恐誤  
事現有何法可將京線接通抑商借聯軍線不知  
彼族肯否卽肯亦恐只能發明碼請中堂杏翁妥  
籌速辦示復

袁慰帥來電

八月十七日兼致李中堂劉張兩帥

香帥銑電悉董與馬現赴行在宋由豫赴陝閩  
洋兵逼近時曾命董出禦敵而所部出城卽西行  
沿途左右數十里焚掠幸無人烟直至晉境搶掠  
不已挑畔騷擾誤國殃民咎實難辭惟通匪二字  
似宜刪所部皆飽載有歸志宜遣散至誤信邪匪

息不真 卷四十一  
倡言招撫欺奏解散引匪入京之相國似應並劾  
罷斥請酌之

劉峴帥致李相張帥電

八月十八日

中堂嘯電非一董所能謝過看題雪亮佩極但如  
袁電再加一人雖較切實恐外人所欲尙不止此  
似可照香帥原議先剪羽翼餘待各國言之於事  
權誠有小礙實偏處此不得不爾也統祈香帥酌  
裁深盼中堂北發今行有期轉增惓戀惟匡扶危  
局日月重光 十廟在天之靈寶式憑之矣秋  
高乞珍重



李中堂寄峴香兩帥電

八月十八日

香帥銑電用意細密但謂懼禍自危者將歸罪於董以謝外人希冀此外不究各國主意要我換政府不自今始今更挾持有具非一董所能謝過也袁篠電較切實亦天下公憤只粵德秦端各有私交不便列銜餘當無不願卽請香帥主稿會各省並挈敝銜密奏鴻擬二十一登舟此後電驛皆阻不及會商諒之

寄江督劉峴帥鄂督張香帥

八月十五日

前傳德兵犯長江卽知不確現聞德艦擬至海州青口

一帶欲踞徐海是與日照膠州毘連不爲無因若一開仗便棄其地瓦提督十餘日卽到滬穆使似候瓦相見

張香帥來電

八月十九日兼致李中堂劉峴帥

傳相霰電悉 回鑾似難遽允昨聞人轉述日本當道語云有誠心悔過 諭旨卽不 回鑾亦允開議果能如此好極望速電李木齋星使詳詢外部是否確實各國之意如何措詞方是誠心悔過並可託伍使商美問確後卽可懇切馳奏大約須提明不應戕使攻館天津毀租界直晉殺教士耳如必須 回鑾或擬一調停之法議定洋兵撤至

天津 回鑾暫住保定此說不知可行否惟保定  
至京電線須速接通只須有線料分派晝夜趕造  
七八日可畢拳勢已衰聞廷護院亦漸懲辦傅相  
到直保護不難此外有何通電之法並望籌示又  
聞日本人言各國極盼速了奈我未切實求和不  
知如何方爲切求亦望詢李使然大約亦可臆揣  
耳

又 八月十九日

連日詳詢英德領事並小田復電德並無窺伺長  
江意似屬可信惟杏翁電聞德欲踞徐海事勢頗

爲近之必欲和局早定方免生波頃讀陝轉八月十五日寄諭朝廷之意蓋以二十六日罪已之詔卽爲謝過之旨竊謂二十六日之詔是告臣民語似非告友邦語海內臣民讀之痛心疚悚無地自容然說此次開衅語似較少恐各國尙不以爲真心謝過奈何

袁慰帥來電

八月二十日兼致劉張兩帥

恭讀十五電 旨似可乘此進言罪在朕躬悔何可及而其實罪在臣下如聯合痛劾諸禍首不但可謝各國謝臣民尤可爲 兩宮剖白以昭



聖德前擬會奏件已酌就否甚盼

劉峴帥來電

八月二十日兼致李中堂張袁兩帥

中堂效電慰帥號電均悉俄允商各國撤兵而必

欲 兩宮回鑾德新使致香帥電必欲先辦主

持拳黨之人而後開議參觀各路電報大旨均不

外此殆慮全權於此事不易辦到故欲待 回鑾

後劫制使行耳用意狠毒是 回鑾未爲妥策然

若遷延不辦恐各國變其宗旨愈久愈不可收拾

連日苦思惟有密陳先發制人又慮董擁重兵近

在肘腋恐激變端擬請中堂設法密奏直達

兩宮先將端剛趙從輕褫職明降 諭旨歸罪於  
三人以致種種愧對各國故先罷斥以爲謝過之  
據云云此等處分有何大礙該王大臣分應爲國  
任咎爲主分憂隨後徐徐圖之董或解其兵柄或  
令赴任總期速離君側方易措手毓則俟 回鑾  
後再辦亦可統祈中堂酌奏坤願列銜香帥慰帥  
與杏翁何如

又 八月二十日兼致李中堂張香帥

鄂兩效電悉罪已須向各國立言方克有濟請中  
堂飛電榮相一并獨對密陳與前事一同宣發益

覺切實措詞亦易至 回鑾尙宜從緩此時

兩宮必不願回京若爲俯允各國之請在保與在  
晉似無異也德欲窺伺徐海如確戰恐爲黑龍江  
之續不戰將爲膠澳之續卓見若何祈速示爲東  
南計正爲全局計盼甚

寄江督劉峴帥鄂督張香帥東撫袁慰帥 八月二十日

日來密籌正與峴帥號電辦法相合已請傅相電獲鹿  
請榮相赴晉獨對密陳一切並擬會奏稿函寄峴帥如  
以爲然請電香帥改妥再電慰帥繕發須約計榮到太  
原方可行

寄濟南袁慰帥

八月二十日

奉銑號電和使密告傳相各使皆以攻使館係官兵欲  
 請歸政嚴辦庇匪諸人始肯議和如第二節出於  
 慈意乃可刪第一節云會奏事李劉均請張主稿恐未  
 必成鄙見榮相應赴太原方有辦法前日已代李相電  
 保定馳函止其回京十五十八 寄諭均派榮相議和  
 似有不願榮隨扈者殊有關係

張香帥來電

帥 八月二十一日兼致李中堂劉袁兩

峴帥號電悉深佩忠讜滬號電亦到恭繹須分先  
 後之 諭似於各國決意先辦之事尙未深悉但



鄙意此事若由疆臣言之不如請傅相據各國電  
文言語原文上達爲妥若據各國語轉奏總宜由  
全權大臣言之旣合分際亦有力量 上意現專  
倚傅相悚以存亡繫之責令旋乾轉坤所言雖難  
辦亦不以爲忤況全權未派江鄂 上意自有斟酌  
設異罪者以外臣挾制之語行其讒更難轉圖  
矣頃見一旗籍守舊謬人致鄂省同寅舊人函痛  
詆東南督撫尤奇者竟指爲皆係新黨語意甚險  
久聞京官旗籍此類議論甚多不可不慮若傅相  
奏而不行大局益壞當再合疏助之再外人未指

賁天水似可緩或爲作一陪筆若諸帥欲論某某  
則必須劾董各省公疏劾之極嚴若 朝廷稍予  
從寬彼自不至爲亂昨保定探隨扈單統領有岑  
馬無董或不在太原昨錫藩電兩奉 廷寄調原  
派駐正定之湘鄂兩軍赴 行在日內計已到似  
有深意如必慮董妄爲頃已電詢晉陝得復再辦  
亦可惟各國不肯開議語太平淡須直言不肯停  
戰方能動聽此摺似宜傳相單銜管見未知是否  
統請峴帥慰帥裁酌鄙人竇未便列銜祈鑒諒頃  
箇卯電想達盼復

又 八月二十一日兼致李中堂劉制軍

頃聞日本人密告述日本外部語云議和大旨剛  
董治罪某王罷黜管束賠款改政四事未提歸政  
不必 回鑾不欲割地但須 諭旨明言此事爲  
某某三人庇匪所誤以致干眾怒釀巨禍今已  
悔悟必嚴懲求各國恕過允和云云語須切實誠  
懇卽可開議各國雖不甚滿意於榮亦不拒榮與  
議等語如此似尙有辦法惟傳此語者切屬鄙人  
秘之此事鄙人斷不敢干預旣有所聞不敢不飛  
達請傅相籌度可否卽日向小田密詢之或電木

是齋不彙 卷四十一  
齋密詢至要今日晤德穆使後渠語意若何並望  
示復

袁中丞來電

八月二十一日兼致峴香兩帥

董集殘兵有限且有馬隨扈似無能爲傅相已行  
仍以約會各省聯名會奏爲妥慶邸傅相開議自  
必據各使所請入告亦不効之効會奏件除董外  
似可不必指名只効搆衅誤國者請罷斥約會各  
省公電謂聞各國議論必須嚴辦倡亂諸臣始肯  
開議意甚決絕 內廷恐難發端然各國集師十  
萬終難保全而 宗社亦因之難保不如由各



省奏請罷斥先發制人冀可未減保全 宗社

亦所以保全諸臣且諸臣受 恩深重謀實不減

亦應分憂分咎照此立言各省附名者必多摺內

亦可婉示保全惟是否乞酌採如有奏劾摺凱願

列名再約會各省如逆知其另有意見者可毋約

公電由宮保香文杏公凱出名

寄江督劉峴帥鄂督張香帥東撫袁慰帥 八月二十一

會件傅相親自草發未及與聞發後知之謂德使語堅

狠匆促開船故不待會商是我領銜是我口氣即擊之

不中不過留中將來仍必發動等語然亦未免太急矣

寄鄂督張香帥

八月二十一日

相已行矣馬午電似與去冬電意相似 朝局不難在  
議和而難在以後辦事中外物望所歸微公莫屬此中  
亦有天定

張香帥來電

八月二十一日兼致李傅相

前聞傅相初到滬時向人密語謂到京當引洞入  
要地云云聞之駭急然語係展轉密傳不便辭免  
今相節將行迫不得已只可冒昧瀝陳洞兩年來  
衰病日甚心血耗盡夜睡僅五六刻午睡僅三四  
刻且甚艱難久成怔忡之證日止有十數刻尙屬

清楚餘皆昏疲恍惚說話至五十句見客至五十  
人卽口舌枯強不能言語喘息不屬閱牘改稿至  
兩三行卽心慌不止忽則眩暈欲傾忽則目花無  
覩自去臘起因勉強乘馬忽得腰疾兩足軟弱無  
力時常酸痛治之半年無效已成痼疾行步需人  
扶掖僚屬共見加以脾傷運滯每飯一甌仍不消  
化不敢云食少事煩直是食少事廢矣負乘曠官  
久應乞罷爲經手事所牽絆不能上請春閒本擬  
入覲以病軀爲難竟未成行曾將此情託人轉達  
榮相五月後時局猝變只可力疾支持鄂省輕車

熟路尙可黽勉從事但盼大局早定卽當瀝陳求  
退似此病軀作外官且不可況於當要差辦大事  
乎卽入都一行海道風濤簸盪陸路跋涉兼旬亦  
斷不能支到京卽須臥病牀蓐矣至於才具庸闇  
性情粗疏斷不能勝要差之任更不待言且幸而  
款議就緒外人必要挾改政出無數新奇花樣下  
才豈能辦此況京朝門戶已成悍戾不改洞命坐  
磨蝎最易招謗必受此輩之害伏望傅相閱此病  
夫赦此廢物惟視大鈞斡運上契天心轉危爲安  
四海蒙福洞得伏處田野放浪江湖以盡餘年受



賜多矣千萬叩頭奉求如一言虛謊有如皎日恭

送旌節不盡依馳

寄北京慶親王

八月二十二日

傅相二十一航海由津入京聞洋兵將赴保定以勦團  
匪爲名和局旣將開議保定爲直督所轄省會尙有呂  
本元等數十營迎拒兩難更生枝節且傅相已奉寄  
諭先行接印自行勦匪未到任前已責成廷雍認真辦  
理昨接廷雍電已辦匪目數名應請王爺速告各國止  
其赴保之兵一面飭廷雍實力自行勦辦免貽口實

袁中丞來電

八月二十二日兼致劉張兩帥

香帥箇辰電悉箇卯電迄未到蓋籌周密無任欽  
佩杏兄電傅相已親草發似已聯銜會奏矣但未  
知指効幾人耳

劉峴帥來電

八月二十二日兼致張袁兩帥

香帥所慮亦是傅相已發電奏祇合聽之然甚佩  
其魄力沈毅第不若慰帥電意之婉轉恐致留中  
耳

福州善星源將軍來電

八月二十二日

聞各國議論愈恐德大隊及其統帥到華和局難  
定駐廈英領事告陳道同書云中國宜趁德隊未

到將德使被戕先請 旨優卹云此事如何圖維  
敢乞盡畫

寄福州善將軍

八月二十二日

六月二十三與德國書只云近因民教相仇致貴國使  
臣克林德猝被亂民傷害曷勝惋惜數語本太輕昨德  
使云確爲官兵所戕已獲證據德隊二萬將到齊華統  
帥旬內到滬請 旨優卹雖遲而勝於無尊電已轉傳  
相酌辦

寄保定廷邵民護院呂道生軍門

八月二十二日

傅相昨午航海由津赴京瀕行命轉告尊處各國聯軍

長  
卷四十一  
十四  
將赴保定以勦匪爲名實因正定等處洋人被困欲來  
迎救卽望呂軍門坐火車速赴正定護出各洋人並將  
保省現住教士及別處接來各洋人一總護送至長辛  
店或盧溝橋先使洋人專信到京城使館約定何處候  
派洋兵前來交接廷護院須切告該教士等此係實心  
保護決無疏虞迅速照辦可免聯軍到省蹂躪於地方  
人命財產關係不淺除一面電請慶親王先與各使妥  
商止兵外特此轉達卽祈電復

寄大沽李中堂

八月二十二日

頃電廷護院呂提台云云師到津晤俄提督請與商止



此兵保定爲直督行省正在議和若又進兵迎拒兩難更生枝節想不以干預爲嫌

寄慶親王

八月二十二日

聞各國聯軍將赴保定實因保定正定等處洋人被困欲往迎救傅相已命電告廷護院派提督呂本元往接正定洋人並將保省教士及別處接來各洋人一并護送至長辛店或盧溝橋候派洋兵到彼交接已屬廷護院切告該教士等此係實心保護決無疏虞似此迅速辦理想和局正在開議各國當無不允除電廷呂外乞王爺速與各使妥商卽飭廷雍遵照

俄京楊使寄李中堂電

八月二十三日

恭讀十五 諭旨時局似有轉機爲公一慰二十  
一乘俄艦北去已告外部立發訓條以中堂在津  
飭陸師隨時加意保護毋稍疏忽云據地一節可  
請放心儒與俄君臣誠信相將彼已一再聲明不  
據東省寸土又八月十二日俄宣告各國亦稱一  
俟地方平安鐵路無警若他國並無牽掣俄卽撤  
東省之兵英德疑忌固在意中然若不使俄爲難  
儒決其必不違諾外部又稱如 車駕還宮京師  
安靖開議時俄必事事平和作一榜樣他國自不

敢任意要挾並云我處辦法英使頗有所聞干囑  
密益加密等語俄如此見好實出意外雖其見好  
處卽其利害處然措置得宜與我卻有大益也德  
情叵測法特從俄前請國書謝俄撤兵兼懇排解  
已照辦否國事成敗不在人而全在己特不知扈  
從諸臣果肯和衷相濟否維日內可回壽晉嚴懲  
鈞麾借艦伊必心喜此君熱腸實屬難得伊復電  
稱彼此備兵均爲謠言所惑伊決不妄動撥款事  
遵轉各使謹謝

東京李星使來電

八月二十三日

前敬崇兩尙書等遣章京樸壽迎慶邸回京謀出  
日人非俄德所願聞邸到京後俄德兩使未晤新  
德使在滬俄法頃亦飭彼使離京英以傅相親俄  
頗愠設傅相到英使等又避和局何時可成聞敵  
將攻保定若擾及東豫則東南益危前日本外部  
密請傅相奏增派全權劉張兩帥自因不能赴京  
未蒙添派愚見可否由尊處將各情電端午帥馳  
奏仍請添派劉張並飭榮相早日赴京無論各使  
在南在北皆可與議且南北總可設法電商辦理  
俾款局早成天下幸甚電午帥如挈敝銜亦可統



惟裁奪

寄李中堂

八月二十三日

慰帥漾電頃接榮相二十函稱中途先奉 旨保護畿  
輔續奉 旨會辦全權不敢請留已由平定州折回約  
二十二抵保定請轉電中堂先與各國說明保護方  
可入京盼復等語謹達乞復便轉告或就近由津京逕  
復云裴式楷及各洋人所言攻圍使館有中軍號衣爲  
證榮相會議恐彼藉口如可奏請改赴 行在乞電劉  
張袁會銜電奏

寄東京李星使

八月二十三日

已奉 旨添派劉張會商和議榮相至平定奉 旨折

回保定聯軍將攻保已電廷護督將教士等送長辛店

並遵 旨痛勦團匪請告外部免攻保定以顧全局

寄濟南袁慰帥 八月二十三日

漾電已轉津副總稅司裴式楷面告傅相云各使以圍

攻使館有獲到中軍號衣爲證榮相會議必滋藉口此

其一傅相既會公等四衙劾罷多人無論准否總宜榮

相赴晉方有主持此其二傅相接初七 寄諭云所請

添派榮祿一節所見甚是著卽派劉坤一張之洞隨時

函電會商榮祿現辦防務著俟該大臣到京後體察情

形再行請 旨等因木齋漾電敵將攻保定似榮相由  
保赴京亦不易但又礙難自請赴 行在應否由公電  
約劉張兩帥奏請榮相先赴太原乞酌示

寄北京慶王

八月二十四日

兩養電諒蒙覽頃奉號電已轉大沽李相二十一日午行  
日來颶風恐輪行稍遲聞俄法使赴津或稍耽擱德使  
在滬候其統帥將到榮相奉 旨回京會議約二十五  
到保定峴帥香帥亦派函電會商

袁慰帥來電

八月二十四日兼致劉張兩帥

聞聯軍將攻保定但保奉 旨方派諸軍勦匪如

進攻保各軍必無暇分勦徒使悍匪久稽顯戮荼  
毒生靈且近日百計補救甫有頭緒如復進攻人  
必謂各處奏議皆屬空言難保不激生他變而和  
議更遠請熟籌公電傅相向各國勸阻是否乞復

又 八月二十四日

榮來詳書武衛潰亂國人詬病方責令保衛畿輔  
勢不能回 行在亦不願回即回亦未必能主持  
敵果攻保定尤難回會奏之請恐無益有損

寄江督劉峴帥鄂督張香帥東撫袁慰帥  
八月二十四日

峴帥慰帥敬電所商保定事昨電慶邸李相云聞洋兵



將赴保以勦拳匪迎教士爲名匪已遵旨派兵前往  
分勦保正教士已電廷護院妥送長辛店或盧溝橋交  
洋兵接收和局現將開議保定爲直督省會尙有呂本  
元數十營迎拒兩難免生枝節等語可否請峴帥香帥  
會電各使設法阻止俄先允撤兵然非停戰不可想必  
須於停戰期內開議慶邸來電急待開議遲則生變蓋  
以德帥數日卽到也

保定榮中堂廷護院來電

八月二十四日

頃由孫麟伯觀察處送來箇電謂洋兵因勦匪欲  
來保沙多普意雅擬與洋兵同來查勘鐵路等因

具悉直隸拳匪現已由弟等派隊分勦各團聞風  
已有繳械解散者他如獨流白溝河等處老團雖  
屬猖獗不難一鼓盪平此事已由弟與呂軍門力  
任其責本可無煩洋兵但地面較寬不能不分緩  
急先後酌量辦理且大股匪類一經攻潰勢必四  
散逃竄設洋兵一到不特居民驚懼多受蹂躪亦  
非各國所願於和局似有妨礙況此次已明奉  
諭旨認真勦辦拳匪我軍自必竭力痛勦勿留餘  
孽至鐵路料廠已飭兵隊沿途設法保護可以無  
虞務乞閣下勸止各國及沙多普意雅暫勿來保

容勦匪平靜再行知會前來卽查勘鐵路修理開  
工亦易集事庶商務軍情兩無輻輳閣下於各國  
素昭信行一言九鼎當亦無不可轉圜也乞復

劉峴帥來電

八月二十五日兼致香帥慰帥

德將至開議尙未有期攻保之說果確益難挽救  
英艦在淞甚多又屢調陸隊來滬無非觀釁德如  
用武英豈肯坐視全局將不可問似可會電各駐  
使各就邦交立言密探外部阻止攻保並勸停戰  
雖允否難必總有益無損如香帥謂然祈速電復  
卽由敝處發電也呂使處難通密電德亦難商似

可勿須致呂並酌示

袁慰帥來電

八月二十五日兼致峴帥香帥

鄂敬電悉依議各節敝處亦不知其詳杏公能查  
示否總之不開議斷不停戰不辦禍首斷難開議  
全案要領全在辦禍首舍此別無辦法馬有奏倘  
不中勢必棘手戕使優卹亦不外乎勦辦凶手嚴  
辦禍首或遣專使赴德謝罪又斷非輸金所能了  
事如能扶持危局似必須在要領上奮勇設法未  
知尊意如何公電請列賤名

張香帥來電

八月二十五日兼致劉峴帥  
王灼帥



滬敬轉陝養電濟兩敬電均悉惟十九之 旨所  
云李等所請各節均依議不知係與何帥會銜所  
請何事祈查示鄙意現有要義四條一俄允撤兵  
雖空言然致謝亦空言似無妨先以此羈縻之並  
託其勸德庶可允此一事也近屢聞日本人言並  
李木齋星使電德有窺海州圖江北意頃善將軍  
電廈門英領事云宜趁德隊未全到先請 旨將  
被收之德使優卹此事自無不可惟西例如何優  
卹之法請傳相與慶邸榮相速商酌辦知照德使  
及聯軍此二事也聯軍現欲赴保定若不早開議

恐難終阻洋人傳說和局不定聯軍必欲西向無  
論遠近終須深入此三事也前聞洋人述日本外  
部言若有誠心悔過之 諭旨卽不 回鑾亦可  
開議箇卯電卽是此事昨接駐日李使寄電亦同  
二十一日傅相會奏卽是誠心悔過 回鑾最是  
難事若奏明此節他事或可邀允此四事也總之  
必有切實辦法各國方允開議空言無益蓋不關  
議者卽不停戰之謂也若僅云不開議似尙渾涵  
以後電奏摺奏似須將不停戰開議五字連說聲  
明以見事機萬緊請峴帥主稿公電慶邸榮相李

相洞當列銜慰帥王灼帥似均可列銜一面電慰帥六緊馳遞傳相行轅或詣慶邸府投或京或津請慰帥酌辦一面電滬請杏翁商小田能代發此密電否如允託北京日局交慶王府尤速此外有要語應添或應刪或改請峴帥斟酌發電後告敝處不必商濟皖請徑復江甯

寄大沽轉天津李中堂 八月二十五日

峴帥有電云傅相鈞鑒樞廷譯署務須得人方可懲前毖後現在兩宮孤立無助即請尊處商之慶邸密謂以張香帥奎樂帥入樞府以陶子方署兩湖王灼堂

署四川並以楊子通盛杏蓀入總署當可得力安徽一  
缺似可以江甯恩藩司承乏可否伏候裁酌仍候電復  
等語朝局轉移全在政府得人師與慶邸爲天下薦賢  
確不可緩若再用人失當更無可望昨香帥電師力辭  
要地已鈔函寄宜憂讒畏譏任事太勇一切見解不合  
時宜此次不克隨侍北上實因不敢與聞交涉譯署尤  
非所宜斷不敢入師若與邸言務乞刪除賤名至深感  
禱

寄江督劉峴帥鄂督張香帥東撫袁慰帥

八月二十五日

奉峴帥兩有電英添兵必爲德明午晤德使再約英領



事相見慶邸號電云急待開議遲恐生變鄙見開議第一端必先停戰是一開議保定自可無虞兩帥公電駐使有益無損但此時尙未停戰攻保亦不甚確而措詞宜懇切涵渾連徐海亦渾言在內最好呂使密電可由楊轉

袁慰帥來電

八月二十五日兼致峴帥香帥

德使被戕憤恨尤深意欲比各國格外尊榮方肯息事各國推德員爲總統似亦因此愚見無論德人如何必須先與商辦一切倘棄德而專商各國德必尤怒恐有損礙電呂使似仍不可少請酌裁

再德兵後到尙未立威如攻保定想係德兵前驅

寄江督劉峴帥

八月二十五日

有電已轉傅相 朝局轉移全在政府得人可謂首扼  
要領前香帥電相力言勿引入要地香尙如此若宜駑  
駘豈堪負重此次不隨全權北上公義私情均不暇顧  
自棄已可概見頃已電懇傅相刪除賤名重蒙青眼默  
感而已

劉峴帥來電

八月二十六日兼致香帥慰帥

鄂有滬徑東三有電均悉鄂四條昨會鄂東皖銜  
電慶李榮矣末二條略刪改三主速商停戰四主

速辦禍首立言此事若不行將不可收拾焦急萬  
分仍祈慰帥多發要探隨時電示俾可商酌一切  
專使謝德一節亦祈杏兄電知傅相留意爲盼至  
各使商外部停戰開議勿擾各口勿再進兵頃已  
會香帥銜發電渾涵措詞呂處亦並致由楊轉答  
恐未必動聽耳

寄天津李中堂江鄂濟南督撫帥 八月二十六日

頃德使面談華兵戕我使臣故與各國不同德王訓條  
若非交出四凶不准停戰開議再四與商乃云惟有光  
緒皇帝親自電致德國皇帝將使臣克林德被害切實

惋悼優加禮卹答以六日曾致國書惋惜穆云措詞輕  
率且非專件現在此著係我私語因貴大臣請我設法  
故以直告如此電能得體要國王或可稍息憤怒漸有  
轉機此言核與善將軍所述英領事言先請 旨優卹  
德使相合應請中堂主稿速會劉張各帥銜電奏如有  
國電請軍機處電滬以便一轉呂使一交德穆使代遞  
彼謂兵戕已有實據前國書諉爲亂民傷害彼決不允  
措詞似以含渾爲安

寄鄂督張香帥

八月二十六日

傅相已到津電報由海線轉大沽設法送甚難此間各



領事已接聯軍回信京津尙不容置線

寄保定榮中堂廷護院 八月二十六日

前數日間洋兵欲犯保定始託沙多普意雅保護鐵路  
此二人並無權力干預進止養電擬請護院送教士至  
長辛店或盧溝橋交收宜已電請慶邸安商各使並由  
峴帥香帥電各國駐使勸其止兵頃晤德使告以保定  
城小庫空聯軍攻取無益有損各國方冀迎 鑾若保  
定有警 聖駕西進更遠德使意似動乃詢良鄉何以  
傷洋人告以洋人傷一而滿城玉石俱焚甚慘酷各處  
拳匪已派數路進勦在保正教士等洋人必能切實保

護現在俄已撤兵赴津德軍新到幸勿以此耀兵該使  
允俟統帥到滬商酌因聞德王尚不肯停戰故必先就  
德使勸止且只有德使在滬容再相機轉圜如有勦匪  
保護情形乞電示

寄濟南袁慰帥

八月二十六日

榮派全權

旨轉津德王電明日與葛商擬

保定廷護督來電

八月二十六日

傅相瀕行傳諭各節已卽刻遵辦現滄州梅東益  
軍門十五夜在舊州城地方斃匪千餘署天津徐  
鎮及范游擊兩軍循安肅北上已勦洗海口村小

義和村兩莊餘皆紛紛繳械具結歸農凡著名匪  
目皆已正法梟示並無輕縱大約旬日即可進剿  
至涿州附京一帶矣洋兵可無煩前來至正定洋  
人及他處洋教士現住保定之洋人自當實心保  
護勿稍疏虞以顧和局傅相約月內抵津卽赴京  
會議俟有開議信息再行飛布

張香帥來電

八月二十七日兼致峴帥慰帥

峴帥會電四條一件暨電致各使商外部停戰一  
件請速將電稿電示再速辦禍首乃全權大臣所  
奏之事我等如有所聞只可就外國情形議論原

愚齋不棄  
卷四十一  
三  
文轉達三全權若我等徑說屢說不合體裁分際  
恐 朝廷誤會以爲此非外國要挾乃疆臣力請  
轉致激成變局箇電已詳陳此電若有措詞未周  
妥處務請電李傅相追改若不蒙采納此後不敢  
會銜切祈卽復

福州善將軍來電

八月二十七日

聞各國欲先懲底匪之人鄙見 詔旨旣以知人  
不明罪己是若輩之誤國已布告中外無論爲親  
爲貴究是臣下若不先行譴責外人必以袒庇疑  
及 朝廷更屬爲難聯已電甯鄂齊三帥請遍聯



各帥痛切奏陳冀有補救卽乞酌裁

寄天津李中堂

八月二十七日

峴帥電滬兩宥悉專電謝德是最要著宜速辦京晉往返需時倘國書措詞未得體要再有周折必誤事機杏翁急電傅相卽日辦奏並將應如何措詞敘入奏內大局危急情形尤須切實陳明度必邀允頃端撫電

兩宮仍擬幸陝似可諫阻並請電傅相酌裁慰帥電政府擬致德皇帝電必難得體應請與德葛譯密商應如何措詞電由傅相請旨云如與葛商恐言重難請不如中堂酌擬電奏過滬時面與穆酌或云應派專使

或是後文

寄福州善將軍

八月二十七日

沁電如見外人肺腑二十一李相與峴帥香帥慰帥四  
銜密摺劾統率拳匪之莊王剛相瀾公英年及庇匪之  
端王查辦不實之趙舒翹請分別革撤聽候懲辦想必  
留中而德知會各國非交出數人不允停戰慶榮均飭  
回京 行在乏人舜無禹皋豈能殛四凶故以 行在  
得人爲要義榮相由平定折回保定各國以武衛軍攻  
打使館不欲與議和榮致慰函亦以 內廷無人爲慮  
似應請榮赴晉並須輔以生力軍公能請 陛見否

寄李中堂

八月二十七日

呂使復慶王宥電咸電遵告外部據稱刻尙不能議事  
德廷意在先將肇亂之人查明交出已知照各國政府  
轉電各駐使遵照辦理云俄法使到津否能否先議停  
戰端入軍機定計遷陝馬奏恐不應

寄天津李中堂江督劉峴帥鄂督張香帥

八月二十八日

保定局宥電端莊兩邸奉 旨入值樞廷瀾公充御前

大臣拳匪主謀之譚道文煥奉 旨革拳已在滄州拏

獲將解省審辦其舊滄州拳匪經梅軍門痛勦斃匪千  
餘安肅匪眾勦辦就緒定興涿州有散者白溝河之匪

一律勦洗以清省北驛道京兆署日人退出尹憲檄大  
宛兩縣速回辦公云

寄太原王中堂

八月二十八日

李相宥到津數日進京榮相尙駐保定聞各國因武衛  
軍攻使館不欲與榮議似不如赴行在各國願迎  
駕如退兵亦幸陝否李劉張袁二十一密奏不致大干  
天怒否德帥到各國陸軍十萬餘歸統領預備過冬  
停戰議和尙無把握大局能否轉移仍在晉不在京浙  
事漸平瀛眷已回浙日內有委員赴晉需何食用物乞  
用姚祥符密本示復再另鈔寄



寄江督劉峴帥 八月二十八日

勸電專使已商傅相海贛事頃德帥到滬容再密探東  
南互保余道一手辦理極爲周密斷難另易生手致使  
各國因疑生事想台端必爲設法奏留

寄東京李星使 八月二十八日

日廷要挾更換政府與德覆慶邸電同西電端莊邸入  
樞李劉張擊之不中恐難更換

東京李使致江鄂督帥電 八月二十八日

宥電面商外部據稱北方無日本教士惟京津附  
近之匪華兵未勦者聯軍不能不往勦卻不能限

定何處又謂中國須將舊政府大臣更換另選大臣立一新政府各國方能調和等語乞鈞奪

袁慰帥來電

八月二十九日

入樞聞係端那非莊也日索亦在意中惟諸帥意見難同只可請三全權據情入告

寄天津李中堂

八月二十九日

奉沁電請榮赴行在劉張以外願列銜者尙多當擬電奏商辦各國聞端邸入樞又調程儀洛補蘇松大道疑端主政離題愈遠密奏封套黃摺俱留或事有次第鄙見宜約榮相入京將各國爲難處盡情吐露再赴

行在據實獨對方有力量各帥會奏似可先發師何日  
赴通盼電示

閩督許鈞帥來電

八月二十九日兼致劉峴帥張香帥

此次廈事日本意圖構衅後患堪慮刻美領事商  
請將鼓浪嶼一島歸各國管理仿照上海章程卽  
可保廈門不爲他人佔據等語查該島在廈門對  
岸本係孤懸周圍不過數里久爲洋人聚處民居  
甚少尙可劃開鄙意閩將該島作爲各國公共租  
界與立專約聲明廈門係通商口岸仍歸中外互  
保藉杜他國覬覦似亦牽制辦法惟事屬創舉且

關東南大局有何妥善辦法尙望盡籌迅賜電復俟定議再行核奏

劉峴帥來電

八月三十日兼致許帥張香帥

鼓浪嶼作公共租界誠牽制良策第值此時局又甫有厦事防日略嫌著迹恐滋意見似宜稍緩再行奏辦謹抒管見香帥杏翁以爲何如

大沽李中堂來電

八月三十日

峴帥等公電弟與德使面談電均切實已單銜電奏德統帥到滬晤否聞卽日北來德兵急欲圖功先攻陷房山又奪北塘未知以後有何舉動各國



兵均聽調度看來開議尙早津線係璞爾生承造  
至唐沽電價極昂京津軍線各國皆有一條恐難  
攙奪前擬先通德津線正爲此希酌

陝撫端午帥來電

八月三十日

端邸入直樞垣已見抄報 乘輿幸陝現尙無定

期

東京李星使來電

八月三十日兼致各省督撫將軍

倫敦電德廷商各國欲中國交出主謀之人方可

開議美廷甚不以爲然復稱不能照辦云

陝撫端午帥來電

八月三十日兼致江鄂甘東督撫帥

頃接駐晉二十六探報稱前聞疆臣有因拳匪起  
事爲親王及軍機辦理不善以致誤國聯銜列請  
分別懲辦者昨日召見軍機時 皇上面斥端邸  
及莊邸瀾公澄濂各貝勒公聞聲色俱厲 皇  
太后默然不言惟語王中堂祇你是好人便可擬  
旨諸臣跪至八刻之久 聖意究竟如何不能  
揣測等語謹電聞並希盛京卿轉達傅相

寄東京李星使

八月三十日

美意先開議請力勸日廷從美若愈偏愈遠無了期

愚齋存彙卷第四十一

愚齋存彙卷第四十二目錄

電報十九

福州善將軍來電

濟南袁慰帥來電

寄天津李中堂

寄西安端午帥

寄福州許制台善將軍

寄保定廷護院

寄東京李星使

東京李星使來電

寄保定榮中堂

大沽李中堂來電

寄俄京楊星使

寄俄京楊星使轉電德京呂星使

東京李星使來電

福州善將軍來電

寄西安端中丞

寄北京慶親王天津李中堂保定榮中堂各省將軍督

撫帥

寄天津李中堂江鄂劉張兩帥



東撫袁慰帥來電

江督劉峴帥來電

陝撫端午帥來電

寄東京李星使

寄俄京楊星使

寄福州善將軍

寄東撫袁慰帥

寄天津李中堂

太原王中堂來電

寄東京李星使

東撫袁慰帥來電

又

江督劉峴帥來電

鄂督張香帥來電

寄天津李中堂江督劉峴帥鄂督張香帥皖撫王灼帥  
東撫袁慰帥成都綽將軍奎樂帥

鄂督張香帥來電

江督劉峴帥來電

東撫袁慰帥來電

鄂督張香帥來電

又

福州善將軍來電

寄太原護撫李筱軒方伯

大沽李中堂來電

江督劉峴帥來電

東撫袁慰帥來電

又

寄江督劉峴帥鄂督張香帥東撫袁慰帥

寄保定榮中堂

寄西安陶子方督帥

寄江鄂東督撫帥

寄鄂督張香帥

濟南袁中丞來電

又

又

又

又

江督劉峴帥來電

又

又



各駐使電奏

張香帥另擬密電奏一件

寄天津李中堂

寄太原王中堂

寄江鄂東督撫帥

又

寄英京羅使俄京楊使東京李使

寄天津李中堂

又

寄李中堂江督東皖督撫帥閩善將軍

江督劉峴帥來電

鄂督張香帥來電

又

又

寄天津李中堂江鄂督帥東皖撫帥

寄劉峴帥

鄂督張香帥來電

天津李中堂來電

東撫袁中丞來電

寄天津李中堂

寄江鄂皖東浙閩各督撫帥閩將軍

天津新德使穆默來電

天津李中堂來電

倫敦羅星使來電

山東袁中丞擬電奏稿一件

寄各省督撫河漕提鎮藩臬運道

江督劉峴帥來電

鄂督張香帥來電

東撫袁慰帥來電

寄劉峴帥張香帥袁慰帥

寄閩許筠帥善將軍皖王灼帥

寄劉峴帥張香帥袁慰帥

寄濟南袁中丞

俄京楊星使電奏



愚齋存彙卷第四十二

電報十九

福州善將軍來電

光緒二十六年閏八月初一日

沁電謹佩篤論昨已電請香帥會商諸公奏懇榮  
相赴行在病入膏肓不用猛劑必難挽救奈何  
鄙人庸陋微淺徒抱慚憤

濟南袁慰帥來電

閏八月初一日兼致劉峴帥

德已知照各國查交禍首縱可不交必須懲辦斷  
非美廷所能阻亦非他國所能勸端三十電有機  
可乘惜無人接應善電甚壯未知有成否倘再遲

保定恐難保

寄天津李中堂

閏八月初一日

已將中堂奏請電致德皇必可做到告知穆使甚感又  
告其俄提督已見一切候貴提督晤商請其電致見面  
京津線德提允到津卽復中堂見時可再催復穆使初  
三北上約初六七到能否候見俄法使到津否乞示

寄西安端午帥

閏八月初一日

密電已轉傅相房山北塘均失守德統帥明日到津添  
來新兵兩萬各國陸軍均歸調度共約十萬人兵船運  
艦約百餘隻均帶寒衣火爐預備過冬難保不相偏傳

相三十電以後未知有何舉動看來開議尙早尊處如  
得晉探仍求密示再退相於弟有知己之感諸帥有欲  
單揭者已力阻未知能否急流勇退

寄福州許制台善將軍

閏八月初一日兼致江鄂督帥

奉閩豔電中國保守疆土誠只有牽制一法但目前總  
以俄德爲榜樣如東三省不還日覬全閩何止一島峴  
帥恐著跡管見以爲互保一島尙非全策

寄保定廷護院

閏八月初二日

三十電已轉傳相並告各領事自應聽候法使回信似  
此辦法彼可無詞可藉惜德帥德使已赴津不及面告

傅相屬搬移餉銀實爲要著

寄東京李星使

閏八月初二日

冬電分轉如禍首自懲亦可了事午橋電云督撫會効  
聖意已動慰廷電云必須謀接應隊出使諸公措詞  
尤易力量亦大請速密謀若前件一冷更難復燃公能  
否密商諸公

東京李星使來電

閏八月初二日兼轉李中堂劉  
峴帥張香帥袁慰帥

倫敦續電美廷駁斥德人之意以首禍人須請中  
國自懲不宜令交出有妨中國體面探聞日廷復  
文謂所言固是但恐耽擱開議遷延日久頗不利



於各國如不礙議期或可允辦云

寄保定榮中堂

閏八月初三日

奉三十電勦匪及迎護正定洋人情情形已告各領事因  
德使赴津已電傅相轉告頃聞俄德兵往攻蘆台佔唐  
山煤礦俄欲佔鐵路直至榆關逕達牛莊德統帥到津  
正欲用武適聞端邸入樞乃改宗旨伊聲言欲西追擊  
禍首已預備過冬傅相云恐尙難開議達右翁在保否

大沽李中堂來電

閏八月初三日

德瓦提明日到津晤時先商一切穆使若初七到  
或候晤美廷催開議慶邸亦催速行俟商瓦後再

定俄法使未來想在京候晤

寄俄京楊星使

閏八月初四日兼致李傅相

奉 行在初二日電 旨大清國大皇帝問大俄國大皇帝好此次中國變亂事起倉猝以致開罪鄰邦乃荷大皇帝顧念邦交允先撤兵爲各國倡感佩之忱曷有既極用特派工部左侍郎楊儒呈遞國電先伸謝悃還祈大皇帝顧全大局轉商大德國大皇帝仍敦舊好務捐嫌隙以期和局早日定議則感荷高誼益無涯涘不勝盼切禱切之至太原發宣轉

寄俄京楊星使轉電德京呂星使

閏八月初四日兼致李傅相

奉 行在初二電 旨大清國大皇帝問大德國大皇帝好此次中國變起倉猝害及貴國使臣克林德朕馭下無方致傷睦誼一經追念軫惜益深本日已明降諭旨賜祭一壇著大學士崑岡前往奠醑並飭南北洋大臣於靈柩回國時妥爲照料抵貴國時再賜祭一壇派戶部右侍郎呂海寰前往奠醑用示朕惋惜不忘之意貴國與中國交誼素敦務望大皇帝以保全中外大局爲重盡捐嫌隙俾和局早日定議彼此永遠相安不勝盼切禱切之至太原發宣轉

東京李星使來電

閏八月初四日

江電卽商各使酌辦督撫劾電措詞輕重若何曾

指名否乞示

福州善將軍來電

閏八月初四日

樞廷無人舉措艱難公謂請榮相赴行在不知

甯鄂領銜會奏否乞速贊成

寄西安端中丞

閏八月初四日

三十電鈔送總領事來函甚感謝惟比國教士十五人被戕旣稱恐是訛傳終非一定無害本總領事究難釋然祈電請查明務得確耗等語乞再費神查示

寄北京慶親王天津李中堂保定榮中堂各省將軍督



撫帥 閏八月初五日

閏八月初二日內閣奉 上諭此次開衅變出非常推

其致禍之由實非 朝廷本意皆因諸王大臣等縱庇

拳匪啟衅友邦以致貽患 宗社 乘輿播遷朕固

不能不引咎自責而諸王大臣等無端肇禍亦亟應分

別重輕加以懲處莊親王載勛怡親王溥靜貝勒載濂

載灃均著革去爵職端郡王載漪著從寬撤去一切差

使交宗人府嚴加議處并著停俸輔國公載瀾都察院

左都御史英年均著交該衙門嚴加議處協辦大學士

吏部尚書剛毅刑部尚書趙舒翹著交都察院交部議

處以示懲儆朕受

祖宗付託之重總期保全大局

不能顧及其他諸王大臣等謀國不臧咎由自取當亦  
天下臣民所共諒也欽此 上諭大德國駐京使臣克  
林德前被兵戕害業經降 旨深爲惋惜因思該使臣  
駐華以來辦理一切交涉事宜和平妥協朕追念之餘  
倍加軫惜著賜祭一壇派大學士崑岡卽日前往奠醑  
靈柩回國時并著南北洋大臣妥爲照料抵本國時著  
再賜祭一壇派戶部右侍郎呂海寰前往奠醑用示朕  
篤念邦交惋惜不忘之至意欽此除電各駐使知會各  
國領事外宣轉

寄天津李中堂江鄂劉張兩帥

閏八月初五日

慰微電頃接晉探馬會奏件六人皆知某相二十八銷  
假條陳 幸秦仍主戰議飭董添兵調鄧增同赴前敵  
馬玉崑程文炳守潼關已飭多備車輛有初八 幸秦  
說云宣轉

東撫袁慰帥來電

閏八月初五日兼致劉張兩帥

前聞京津陷時回民著峨冠爲俄兵內應以俄隊  
多蒙古人甚相親密近日直境鹽山慶雲東境海  
豐亦有回民被拳匪擾害因聚馬步多名攻殺拳  
匪繼擾平民是拳與回亦難相處今將 幸秦調

鄧增馬安良詣 行在西境空虛而長安素多回  
民倘有拳匪煽動民回羣起相仇俄人乘之將進  
退維谷似宜會奏飭下陝甘新疆各督撫嚴防拳  
匪勾煽撫回令各相安以杜生患再刻下 幸秦  
與平時異設各國以 車駕遠幸變計不退畿輔  
則 宗廟 陵寢及八旗子弟安所依賴如  
能就西多回民亦非樂土委婉諷動得阻 幸秦

大局幸甚

江督劉峴帥來電

閏八月初五日兼致香帥慰帥

事至此何能再戰諸人殆自為計耳此後事益棘



手全局危甚祈慰帥多發晉探杏翁飭太原電局

隨時探報一面將東兩微電速轉傅相

陝撫端午帥來電 閏八月初五日

前電 乘輿初八 幸陝之信頃據晉稟適聞何

副憲乃瑩彭御史述奏請 兩宮暫緩西幸王

大臣亦有疏諫初八啟蹕之說未知准否等語謹

聞

寄東京李星使 閏八月初五日

李劉張袁會効端莊瀾剛趙英分別撤革懲辦初二

旨云云公與各使酌辦須趁交議時就各國意見直捷

電奏或分或合先發制人自可迎刃而解

寄俄京楊星使

閏八月初五日

李劉張袁會劾端莊瀾剛趙英分別撤革候懲辦初二  
旨云云各國恐尙不足意須趁交議時再有接應以  
杜復燃慰廷電云出使諸公措詞尤易力量亦大木齋  
允行似只須就各國意見直捷電奏或分或合均可代  
遞請轉呂裕伍

寄福州善將軍

閏八月初五日

冬 旨大局之幸榮相必回 行在現商傅相擬請榮  
入京與慶邸會商後再赴晉會奏仍不可少容商甯鄂

擬辦挽回全在樞譯得人如再所舉非賢何以救藥

寄東撫袁慰帥

閏八月初五日

毓佐臣實爲釀禍之首其在山東與會匪作惡根由乞  
速詳示

寄天津李中堂

閏八月初五日

冬電已轉梅提督廷護院並令黃道與地方官商辦慰  
電直境餘匪尙多必須派兵巡護求接篆後飭行今端  
王等均已撤革交議俄法使在京師宜速赴京與慶商  
接榮人都一晤便請其赴行在如各使不願認榮全  
權可與彼說明見面後卽將嚴辦禍首各節請榮回晉

面奏以期杜絕禍根

太原王中堂來電 閏八月初五日

勘電江到四銜簡電深契 聖衷已照行由尊處  
轉 聖心洞澈利害當卽天心悔禍之機惟

慈意決計西行求止不能求緩不得已定初八

啟鑾能不致因此決裂否殆亦有定數存焉

寄東京李星使 閏八月初六日兼致李傅相劉峴帥張香帥

行在初三電 旨大清國大皇帝問大日本國大皇

帝好前因貴國書記生杉山彬在永定門外以口舌細  
故被戕深恐有乖鄰誼當卽降 旨緝匪懲辦追念該



書記生被戕情事彌深惋惜本日已明降 諭旨派禮  
部右侍郎那桐前往致祭並賞葬祭銀五千兩靈柩回  
貴國時令內閣侍讀學士李盛鐸派參贊官一員再行  
奠醑用示朕惋惜不忘之意貴國與中國同文同洲素  
敦和誼此次中國開罪友邦蒙大皇帝極力維持感激  
之忱曷有旣極還望諄勸各國早定和議則保全東方  
大局裨益實多朕不勝禱切盼切之至太原發宣轉

東撫袁慰帥來電

閏八月初六日

兩微電已電商榮但不必候復請先商辦想必樂  
從毓在東倡爲義民說諸匪仇教曲意庇縱凡牧

令指爲匪者必喝斥緝辦者必撤參去冬在京結  
徐崇剛等多方蠱惑自稱爲拳首義團之興實毓  
肇之在晉誘洋教士五十餘人至省駢誅之手刃  
洋婦孺各一人奏報晉境洋人一律肅清並刊告  
自譽獎拳匪所部佐軍皆匪裝似此足供新聞

又聞八月初六日兼致傅相峴帥香帥

某老倡言招撫引匪入京中外切齒現仍條陳主  
戰不先去之終恐掣肘務請速電傅相趁其候議  
不能入直再專言之必可罷斥且此人過於輕辦  
各國亦不甘心可否請復

江督劉峴帥來電

閏八月初六日兼致香帥慰帥

東歌電悉具見苦心補救佩甚處分王大臣已見  
明諭尤冀暫不 幸陝已電詢午橋如確已定  
期當請傅相體察情形酌量會奏諫阻至直東兩  
省勦拳撫回則傅相慰帥優爲之也

鄂督張香帥來電

閏八月初六日兼致峴帥慰帥

濟歌電悉以回患阻 幸秦實防千里草耳盡謀  
極佩惟鄙意宜極言殘兵無械萬不能戰有險無  
械亦不能守再力言董徒大言跋扈曷嘗一戰加  
以陝多回近俄董部多回馬安良軍皆回拳回又

相仇 乘輿肘腋萬分可慮大意只是不可再戰  
不可近回兩義耳各國要挾及京城勿棄各節皆  
不必說但扼定 諭旨一誤再誤悔之無及兩語  
言此時再戰則誤後加誤深入回中則悔外有悔  
實不忍處 兩宮於至危之地等語以此立言  
願聯銜者必多似須候傅相京津續電並探各國  
見冬電 旨後語氣酌量措詞較爲緊切頃陝歌  
電想已見此奏應遲應速統請裁酌示復

寄天津李中堂江督劉峴帥鄂督張香帥皖撫王灼帥  
東撫袁慰帥成都綽將軍奎樂帥

閏八月初六日



奉魯歌鄂語電諫阻 幸陝一節午帥電王大臣及何  
乃瑩彭述已奏暫緩頃德總領事面稱 兩宮回京  
和局易定答以洋兵不退臣下決不敢請彼又稱赴陝  
確否答以我前告貴國欽差如攻保定 幸陝必速聞  
各國均願 駕回以此可挾制停兵目前局勢似以暫  
駐太原爲穩慎如欲經營陪都亦宜俟諸異日倘蒙塵  
不返中外人心不安恐迫成分裂偏安之局慰帥借回  
部立言香帥主不可近回不可再戰應請峴帥香帥主  
稿領銜會奏傅相在津似立言應稍殊擬請傅相單銜  
電奏以免延誤

鄂督張香帥來電 閏八月初六日

聞慶邸入京從人所帶刀械盡爲洋兵搜去到京  
後洋兵守護其府如確殊於局面有礙傅相到京  
想各國相待不至如此何日到京祈探詢日期情  
形示復惜不能在京議耳

江督劉峴帥來電 閏八月初七日兼致香帥慰帥

鄂語電悉諫阻 幸秦必由傅相酌量措詞方緊  
切動聽 兩宮方能放心濟鄂兩電皆慘淡經

營祈杏翁轉傅相察酌辦理坤當列銜

東撫袁慰帥來電 閏八月初七日兼致峴帥香帥

鄂語滬魚均悉欽佩惟殘兵無械不能再戰一節  
我輩皆疆帥甯鄂製造有年齊兼統軍且迭促開  
議雖無再戰明文措詞似須審慎防人摘詰聞董  
騷擾亦爲 上所憎似宜側重縱兵搶掠公家未  
得其力紳民先受其害徒足肇亂實多可慮一層  
乞採擇

鄂督張香帥來電

閏八月初七日兼致峴帥慰帥

頃峴帥陽電欲將敝處語電請杏翁電傳相酌辦  
云云查昨語電所言草率挂漏本意全未說明措  
詞亦甚不妥且鄙意亦不堅阻 幸陝恐傳相略

探數句參以眾人議論必失其真萬萬不宜務請  
杏翁勿電傅相如已轉電務請再速發一電將前  
語電塗銷叩禱現擬有一電奏全文錄請峴帥慰  
帥杏翁詳核酌示再定盼杏翁示復

又

閏八月初七日兼致峴帥慰帥

謹擬密電奏一件劉張奎綽許善德丁王袁會銜  
其文曰臣某某等跪奏爲開議可望戰議不宜再  
誤衛軍宜加慎選以安 兩宮而定危局恭摺

密陳仰祈 聖鑒事竊臣等伏讀七月二十六日

上諭有云庶幾不遠而復天心之悔禍可期仰



見 聖明虛懷克己上念

宗社下卹生靈鑒

於前事之失力圖挽救之方謹按周易曰不遠之  
復無祇悔元吉又曰迷復凶蓋凡事措置失宜致  
生災患早思變計則吉終於不改則凶此久已在

聖諭鑒照之中者也計大學士李鴻章到津已  
久當已入京與慶親王榮祿接晤與各國籌商開  
議大局似有轉機乃近日傳聞隨扈諸臣仍有力  
持主戰之議者臣等不勝焦慮當京津未失之前  
猶謂有兵有團尙可一戰今拳匪已技破竄散矣  
素練敢戰之兵如羅軍宋軍馬軍聶軍呂本元之

練軍已於大沽天津北倉等處苦戰傷亡殆盡矣  
略有虛名尙望能戰之兵如張春發萬本華夏辛  
酉諸軍已於河西務見敵而潰矣其大言欺罔首  
禍殃民之董軍殘毒京城從未與洋兵一戰寇逼  
時出城卽大掠而西矣其餘各營更不足數現在  
隨扈諸營或敗殘士卒或新募烏合或跋扈叵測  
之悍將耳且津局之械京營之械援軍之械盡以  
資敵此時購無從購造不及造滬鄂兩局所出有  
限斷不能遍供諸軍現在隨扈及新調之軍約計  
每槍一枝斷無彈子五百顆只開一兩仗立卽束

手旣無軍火將何以戰各省軍民雖有忠義無槍  
豈能攻擊晉陝雖有險隘無礮豈能拒守若欲再  
挑強敵此萬萬無可徵幸者也又聞 車駕因欲

幸陝特調馬安良一軍似議戰諸臣殆將以遠  
避爲可戰以回軍爲能戰耳不知我能往寇亦能  
往不畏三萬里之海豈畏二千里之陸敵人愈深  
占地愈廣況董福祥所部半係回兵馬安良所部  
盡係回兵西安回民素多甘省向係回藪猶憶五  
月三十日 諭旨有禍起肘腋 朝廷苦衷等諭  
臣等至今思之猶爲痛心今若 乘輿幸陝而又

多調回軍養虎自衛誠恐肘腋之間無非回人是  
在京爲拳匪所挾制出京又入回軍之掌握誠如  
諭旨所云一誤而再誤矣此時若再開戰俄變

前議則據遼東

陵寢阻隔矣德變前議則攻

保定畿輔淪胥矣外而沿江沿海處處佔奪內而  
各省會匪紛紛擾亂加以陝晉豫歲荒糧貴賦稅  
無多必資外省接濟若曠日持久各省皆戰爭紛  
擾之餘行在六軍之糧餉設有不備臣子之心  
何以自安此時和議早成京城必復天津可還東  
三省可退雖或分據形勢不能全數侵吞即使要



約多端 國體猶存尙可休養支拄倘再挑強敵  
逼成瓜分養虎自衛後患難測此輩怙非大言之  
人絕不爲 大清二百數十年之 宗社計不  
爲二十二省數萬里之疆土計不爲 兩宮之  
安危計此臣等所以焦灼急迫不敢不痛哭流涕  
瀝陳於 皇太后 皇上之前者也竊謂洋兵  
未盡撤退 回鑾固爲險著若回軍滿布左右則  
幸陝尤屬危機總之無論在晉在陝扈衛諸軍  
宜專選忠純馴良之將 聖躬旣安則天下臣民  
之心皆安然後 廟謨默運可以熟計通籌臣等

合詞迫切密陳謹電由護陝西撫臣端方繕摺馳  
遞伏祈 皇太后 皇上聖鑒謹奏等語請三  
公詳審妥酌從實刪改可用則用不可用則止能  
電寄津請傅相酌定領銜最善候示復

福州善將軍來電

閏八月初七日

冬 旨謹悉誠如公言及今挽救已非易易勛望  
如傅相香帥當世有幾奈何福譯尙輕外人能無  
閒言否

寄太原護撫李筱軒方伯

閏八月初七日

初三

上諭初七到滬恐遲誤要事請暫設馬撥至候

馬俟電線接通即可裁撤

大沽李中堂來電

閏八月初七日

支豪微電悉明發 旨二道希速電並電各駐使  
端等撤革交議當漸有轉機國電已分致德瓦帥  
穆使俄提督等瓦穆均到尙未晤俄使奉國命來  
津約初九到榮相日本使允保護照料已派員接  
來津或一同入都京津線各國已允璞爾生另辦  
尊處應先接德線剛趙果撤樞輔非榮回不可會  
奏已發否希轉峴帥諸帥並示方述兒

江督劉峴帥來電

閏八月初八日兼致香帥慰帥

鄂虞電悉初二諭旨懲處王大臣並致俄德日  
國電似不致再主戰議香帥之意殆慮馬安良回  
軍奉調與董軍合恐有刼制蹈拳匪覆轍耳疏稿  
纏綿悱惻大臣謀國固應如此然與目前局勢究  
有不同若諫阻幸陝止調回軍則宜另行措詞  
亦總以傅相酌奏兼敘北事方能切實祈酌

東撫袁慰帥來電

閏八月初八日兼致峴帥香帥

鄂虞電悉密奏拜讀剴切痛快欽佩莫名擬僭加  
數處乞裁酌仍有力持主戰之議者下加夫以一  
國殘敗之卒當各國聯合之師強弱勝負較然易



明其猶力持戰議者殆不過內怙前非外託讜論  
爲旦夕自保之計非真能熟權利害憂國如家者  
也臣等遠道聞之不勝焦慮臣子之心何以自安  
下加江海各省之要隘萬有一失疆臣効死又何  
補大局云馴良之將下擬指名加如提督宋慶等  
量予事權責成約束熟計通籌下加臣等仰承高  
厚固不敢稍涉畏葸辜恩溺職尤不敢徒託大言  
欺君誤國謹合詞迫切密陳云云其餘各營更不  
足數八字似涉榮軍請刪去入回軍之掌握一語  
或改在外又將爲回軍所把持誠如 諭旨所云

句擬改爲誠如八月十五日 諭旨所云傅相注  
意 回鑾此奏有 回鑾固爲險著及無論在晉  
在陝等語恐未必盡合其意三公酌定即可約各  
省電端繕遞致延時日是否請詳核

又

閏八月初八日兼致峴帥香帥

滬庚電悉各國請 回鑾乃愈去愈遠是拂其意  
也方望開議恐因此又生枝節香帥擬奏件宜速  
約發仁和此電似亦望外援

寄江督劉峴帥鄂督張香帥東撫袁慰帥

閏八月初八日

甯庚濟齊電悉頃晤德俄領事均稱既辦禍首即可

回鑾了事較易若仍遠行恐尙非真心議款必啟各國  
猜疑仁和所慮頗確刻接陝藩庚電 幸陝尙無的期  
先有初八 啟鑾信又聞暫緩趁此活動會摺卽請速  
發香帥因聞有人主戰故如此說實則 聖慮洋兵西  
犯耳非主戰也或請香帥酌刪卽發切勿因此擱起傳  
相赴京長電難達星源來電請列其名

寄保定榮中堂

閏八月初八日

魚電謹悉 聖心已洞澈利害當卽天心悔禍之機惟  
聞 慈意決計 幸陝恐各國又啟猜疑如初八未  
行各帥將勸阻芝帥雖入贊公到京後似宜早赴 行

在此意已商傅相頗謂然並屬慰詳函陳

寄西安陶子方督帥 閏八月初八日

調粵幸愜鄙望粵盜復熾公速赴任尙不致難收拾

聖駕如緩 幸陝何日赴 行在 兩宮聖明全在

匡弼得人轉移危局公宜直陳讜論際此艱難進言較

易聽耳

寄江鄂東督撫帥 閏八月初八日

奉甯陽濟虞電疏稿痛快淋漓不參董而自警恍不阻

幸陝而自可緩 朝廷雖無再戰之意而不妨痛論

以堅 聖意鄙見不必傅相領銜徒多耽擱即請劉張



兩帥領銜速電午帥繕奏免再延誤語電本未電津

寄鄂督張香帥 閏八月初八日

傅相到京彼族相待未必真於慶邸如 駕幸陝恐阻  
開議試想鐵路不通各使肯往駐陝耶宜與公皆主備  
陪京但此次不可遷遷則成偏安之局慰帥前探某相  
主戰似不確乞酌刪速發關係至鉅

濟南袁中丞來電 閏八月初九日兼致峴帥香帥

鄂庚酉電悉董與宋魏均有隙似宜託防俄回為  
名令酌帶親兵赴任另募新軍而密飭魏中道圖  
之所部各營先令分枝分紮交宋節制依次遣散

董去而兵分自無能爲仁和善遣兵如令會宋辦  
尤妥管見若是祈探酌

又閏八月初九日兼致峴帥香帥

滬霽電悉如真 幸陝京津恐難完璧東三省更  
不待言關係甚重卽請杏公速電傅相會同慶邸  
電阻我輩仍另會奏加功

又閏八月初九日兼致各省將軍督撫

頃接陳京堂夔龍上月二十八日專書稱刻由慶  
邸聯在京各官銜名合詞恭請 回鑾不知 聖  
意如何倘外省疆臣合詞電請早日 駕旋尤爲

大局之幸屬轉達云尊意如願會奏請逕電峴帥  
主稿領銜會奏盼復

又閏八月初九日兼致峴帥香帥

杏公佳電悉傅相單奏借各國立言爲切實動聽  
諸公可另約會奏爲接應如借諸公立言似不便  
再上愚見斷不可

又閏八月初九日兼致峴帥香帥

鄂青電奏稿拜悉詞嚴義正足破奸膽惟凱並統  
武衛右軍六七月閒頗有謂不敢與洋兵一戰者  
稿內有並未與洋兵一戰七字請酌改爲未列隊

迎戰六字凱便可附名現謀阻 幸陝似無論在

晉在陝一語擬請酌改統祈裁奪

江督劉峴帥來電

閏八月初九日兼致香帥慰帥

鄂齊戌電悉疏稿甚佩擬請將實以董福祥爲禍

首八字改爲董福祥不能辭咎七字自謂能與洋

戰六字改爲自謂足以敵洋六字疏內未阻 幸

陝今日杏翁電俄德領之言若西行必礙開議萬

一各國變其宗旨以自棄京城爲詞佔據京津及

東三省仍偏成瓜分局面偏安豈是長策似諫阻

幸陝必不可少祈香帥酌添速發不必再商



又 閏八月初九日兼致香帥慰帥

滬霽東兩青電悉會奏件請香帥速改電發並請  
杏翁電傳相奏阻 幸陝俄德領事語必宜敘入  
庶可動聽至董解兵柄酌歸宋馬接統從容裁撤  
自是正辦中道圖之似難措詞

又 閏八月初九日兼致香帥慰帥

鄂庚酉滬庚濟庚齊各電均悉既定初八 啟鑿  
此奏已後時然不可不發以冀還 幸太原初擬  
由傅相酌奏語較切實今不及候矣惟阻戰一節  
斷斷不可香帥庚酉電擬刪去是極請速就原稿

酌改速發鄙意論回軍之弊較幸陝尤甚宜加重語卽不能阻西行尙可免將來刼制之變奏內似宜陳明止論回部至董軍罪狀罄竹難書此時宜從寬解兵柄開底缺不可令回任致滋意外統祈酌裁慰帥庚電愈去愈遠是拂其請等語甚扼要務望入奏何日發並示

各駐使電奏

閏八月初九日由滬轉陝護撫端午帥代奏

請代奏密呈御覽時事急迫亟宜速籌和議以挽危局而杜後患現各國推原禍始咸謂偏信拳匪輕絕舊好欺奏肇亂誤國殃民不得不痛恨歸

咎於李秉衡毓賢徐桐剛毅趙舒翹端郡王莊親  
王瀾公董福祥等諸臣或釀禍於事前或袒匪於  
事後除已死者免究外若不嚴辦未便休兵等語  
德國挾殺使之嫌通告各國須索交罪首方肯開  
議惟美國復稱應由中國自行懲處餘國均允照  
辦蓋將併力要索期於必行竊以德統帥現已到  
華各國之軍統歸節制意在非開議不停兵非懲  
惡不開議曠日持久不特佔據都城且將肆擾北  
省牽動東南甚或大舉西向外侮不休內亂可慮  
大局益難支持爲今之計惟有請

皇太后

皇上上念 祖宗締造之艱下孚中外臣民之

望搜索罪首立予嚴懲與其脅制於人授彼駢誅

之柄何如黜陟自上存我自主之權否則無以明

中朝悔禍之心無以謝數萬生靈之命且無以杜

諸強有挾之求安危存亡在此一舉禍魁既罪和

議可成 宗社幸甚天下幸甚謹冒死瀝陳楊

儒呂海寰裕庚李盛鐸羅豐祿伍廷芳謹奏

張香帥另擬密電奏一件 閏八月初九日由滬轉 陝護撫端午帥代奏

其文曰臣某某等跪奏為任將不宜再誤衛軍宜

加慎選以安 兩宮而定危局恭摺密陳仰祈



聖鑒事竊臣等伏讀七月二十六日 上諭有

云庶幾不遠而復天心之悔禍可期仰見 聖明

虛懷克己鑒於前事之失力圖挽救之方曷勝欽

悚謹按周易曰不遠復無祗悔元吉又曰迷復凶

蓋凡事措置失宜致生災患早思變計則吉終於

不悟則凶此事已在 聖諭鑒照之中者也竊維

此次肇衅誤國之由實以董福祥爲禍首平日大

言欺人自謂能與洋戰五月半開首戕洋宮六月

以後專攻使館其軍半與拳匪勾通拳匪焚殺董

軍劫掠狼狽相倚殘毒京城既不聽大學士榮祿

節制並不遵 諭旨調遣及外患日急大沽天津  
北倉諸軍苦戰數旬傷亡殆盡河西務諸軍雖然  
潰敗究屬見敵惟此欺罔跋扈之董軍並未與洋  
兵一戰出城後卽大掠滿載驅之而西京畿人民  
言之切齒聞該軍隨扈太原尙有二十餘營又聞  
車駕因欲 幸陝特調馬安良一軍此必董福  
祥乘 國家危急之時妄言回軍能戰冀以廣樹  
黨羽挾制 朝廷查回性很鷙向不馴良董福祥  
所部半係回兵馬安良所部盡係回兵西安回民  
素多甘省向係回藪猶憶五月三十日 諭旨有

禍起肘腋 朝廷苦衷等諭臣等至今思之猶爲  
痛心今若 乘輿幸陝而又多調回軍養虎自衛  
誠恐肘腋之間無非回人將來 朝廷一切措置  
皆不能徑行其意是在京爲拳匪所挾制出京又  
爲回軍所把持誠如八月十五日 諭旨所云一  
誤而再誤矣蓋董福祥自知罪惡多端不僅爲各  
國所深仇實爲天下臣民所共憤以故增兵自衛  
便其私圖似此欺罔肇禍始終怙非絕不爲 大  
清之 宗社計不爲 兩宮之安危計若不  
及早慎防誠恐後患難測此臣等所以焦灼急迫

不敢不披瀝直陳於 皇太后 皇上之前者  
也竊謂洋兵未能盡撤則 回鑾實爲險著若回  
軍布滿左右則 幸陝尤屬危機總之無論在晉  
在陝扈衛諸軍宜專選忠純篤實之將可否請  
旨將董福祥交部嚴加議處罷其兵柄所部各營  
令宋慶馬玉崑岑春煊錫良四人分統之分爲四  
軍其勢自戢部署略定以後分別撤留能守軍律  
者留之桀驁擾民者裁之其馬安良一軍尤懇不  
再徵調 兩宮旣安則天下臣民之心皆安然  
後 廟謨默運可以熟計通籌臣等合詞迫切密



陳謹電由護陝西撫臣端方繕摺馳遞伏祈

皇太后 皇上聖鑒謹奏

寄天津李中堂

閏八月初九日

陽電已分轉請榮相回晉因慰廷欲推中堂與慶邸專  
奏故會奏未發如因同奉全權不便言仍當請峴帥領  
銜速辦德津線詢梅提督黃道迄無復卽到津亦不能  
達京若京津線爲璞爾生辦利權盡爲彼佔如未定擬  
令大北代辦照水線例電費仍歸我收約定仍歸我管  
晤德俄乞代商

寄太原王中堂

閏八月初九日

歌電已轉杭宅俄德急請 回鑾傅相答以洋兵未退  
礙難迎請昨聞 幸陝恐啟猜疑聞各帥有電奏乞主  
持緩進以維危局

寄江鄂東督撫帥

閏八月初九日

濟兩青電悉香帥既專主防回劾董二事只可請傅相  
單奏借諸公立言以見詢謀僉同若真 幸陝聯軍決  
不肯退

又

閏八月初九日

鄂齊電僅言防回劾董此奏不必商傅相徑請繕發如  
照宣擬佳電由傅相另奏兩事仍可相合

寄英京羅使俄京楊使東京李使閏八月初九日

頃謀奏阻 幸陝盍各就情勢分奏乞轉諸公

寄天津李中堂閏八月初九日

仁和歌電 慈聖決計西行陝藩庚電初八欲行暫

緩俄德均請 回鑾若復 幸陝難免猜疑且恐偏成

偏安之局已請劉張各帥會奏但張主西遷恐游移延

誤乞中堂速電奏止緩

又閏八月初九日

初六 旨初八 幸長安慰電慶邸率京官請迎鑾斷

不允昨請師奏暫駐晉惜已遲榮相赴 行在請刪主

電報十九 恩補樓藏版

是齋存彙 卷四十一  
持兩字並刪慰名

寄李中堂江督東皖督撫帥閩善將軍

閏八月初九日

聞各國使臣以此次拳匪攻圍使館實有榮中堂所統  
武衛軍在內其所獲旗幟號衣洋槍皆有某軍字樣執  
爲確據故此次派爲全權大臣除日本外各國均有不  
願與榮會議之說如此情確鑿與其候各使阻我全權  
入議莫如自行調回以尊 國體况樞垣主持參贊尤  
屬需人似應由中堂約榮到津或同赴京與慶邸會商  
大概卽請榮中堂先赴 行在以紓 兩宮宵旰憂  
勞應請中堂速奏請 旨如諸帥謂然請速電傳相馳



奏遲則赴京後長電難寄

江督劉峴帥來電

閏八月初十日兼致香帥慰帥

東佳青滬佳電均悉

聖駕已行未必遽肯回晉

然關係太重不可不奏若請回京尙非其時昨會

奏防回劾董稿內有

回鑾爲險著語尤形矛盾

陳京兆所請礙難照辦否公稿甚佩第武衛軍攻使館各語似與榮相有礙其全權旋請旋撤亦礙體制不若由傅相據外人言入奏回晉可辦議

幸陝則中變較爲切實動聽榮相則以要件須面奏赴行在最要剛趙旣去不致再有梗阻又

聖意必欲 幸陝高深難測鄙見總須將外人尊

崇 兩宮之意陳明此節即可由榮相面達祈

杏翁速轉電傳相似不必屢以外吏言轉陳

鄂督張香帥來電

閏八月初十日兼致劉峴帥

擬會峴帥銜致各駐使一電其文曰東京李欽差

彼得羅堡楊欽差巴黎裕欽差倫敦羅欽差華盛

頓伍欽差 聖駕幸陝爲太原甚苦晉省旱荒糧

缺又經毓撫引來拳匪擾亂數月商民逃避省城

一空故不得不 幸陝暫駐決非遷都且陝省電

與滬通奏報請 旨甚速議款較晉爲便此皆實

在為難情形況盧漢鐵路必須修成枝路接修至  
陝盛京卿久已定議豈陝省各國不能到也暫未  
回鑾者因洋兵未撤不免憂慮此是人之常情  
當蒙各國體諒其實在陝與晉同並非以遷避拒  
和議務望轉達外部免致猜疑變計至禱並轉呂  
星使劉坤一張之洞同電等語公如謂然請酌核  
改定速電滬發如尊見不同亦請速發洞當單銜  
發請杏翁候峴帥電到再發

又閏八月初十日兼致李中堂劉峴帥善將軍袁  
慰帥王灼帥

慰帥青戌電杏翁佳戌電論榮事均悉若欲榮相

回行在必須榮與慶李晤商後此時自必有種  
種爲難必須面奏事件三全權會奏請回因台規  
矩亦是開議實情慰帥所籌精密自然是極是極  
應請杏翁將慰帥電意速電傅相此外再無辦法  
斷無各疆臣會請之理若疑及求援更多妨礙且  
當日據日本指名請派今無實據而云各國不願  
尤屬不可將來再有據各使來電入奏之事 朝  
廷尙肯聽耶此事萬分不妥洞斷不敢列銜並望  
傅相及諸帥杏翁詳酌勿發切禱

又聞八月初十日兼致劉峴帥袁慰帥



回鑾萬不可行 幸陝萬不能阻其實決裂與

否全不在此能將各國屢次明言力索之事順辦

則 幸陝彼亦不管若不肯辦則允 回鑾亦無

益此時已 啟鑾既不便回太原中途所蒞皆是

窮苦空城不到陝將駐何處況陝電靈通於開議

亦實有便處慶邸到京搜盡刀械洋兵守護傅相

到津洋人看守屬員不准衣冠假如 兩宮回

京試思當是如何景象我等豈忍出此傅相陽電

某某撤樞輔恐無其事嚴加二字尙無何論其他

慶邸傅相專請 回鑾阻 幸陝似不可解總之

若專阻 幸陝洞斷不敢列銜望深思俯鑒

寄天津李中堂江鄂督帥東皖撫帥 閏八月初十日

慰帥電接榮相庚電云會商後卽奏明請仍回 行在  
面奏一節應俟祿進京與慶邸李相會商後斟酌祈轉  
達杏蓀等語甯鄂稱東電極是自應到京斟酌西幸長  
安已 啟鑾矣佳電擬請兩端乞註銷

寄劉峴帥 閏八月初十日

奉卦電諫西幸又落後著聞鄂主遷意不同 旨稱長  
安將久居恐各國變計吉林失榆關失瀋垂危

鄂督張香帥來電 閏八月初十日

今晨藥已電想已達覽務請將決非遷都四字及  
況盧漢鐵路至不能到乎三十二字均刪去以省  
枝節究竟峴帥尊意如何祈速示

天津李中堂來電

閏八月初十日

西行必無回期殊失中外望回董似不至爲亂各  
使不願榮與議昨電請 召赴行在或蒙准鴻定  
十一進京以後文電由赫德轉交希轉各帥

東撫袁中丞來電

閏八月十一日兼致峴帥香帥

頃接太原初四探報端出兩樞尙未撤差仍入直  
原定初八 啟鑿慶邸聯留京諸大臣奏請 回

鑾並呈各國信德法不與大約少緩西巡云仁和  
江函有仍暫候傅相進京後消息說是皆在初六  
前

寄天津李中堂

閏八月十一日

慰電頃接黃花農自德來電接津探初六有德俄等兵  
萬餘過良王莊分路一由青縣攻保一由運河至四女  
寺勦匪且恐到德駐紮初八已至唐官屯等語請杏翁  
轉電傅相倘其果來何以應之迅速示復云

寄江鄂皖東浙閩各督撫帥閩將軍

閏八月十一日

傅相蒸電西行無回期云云聞傅相報啟程電奏內云



再各使以圍館有甘軍武衛中軍係榮祿所部不肯接  
待保護恐有險可否特 召回行在當差只此數語單  
銜不涉各帥銜名

天津新德使穆默來電 閏八月十一日

盛大臣鑾初五日尊電及鈔附光緒皇上致德國  
皇帝之慰電均已收到感甚

天津李中堂來電 閏八月十一日

各使電極剴切佳電除代遞外已出奏否俄德使  
噴有煩言謂此大罪仍交議顯欲寬縱何若徐許  
無罪被戮之爽快必將并力要素甘受挾制詢諸

是齋不彙 卷四十二 三  
帥能設法否德兵出擾靜海以上文報已阻德線  
暫緩璞承辦京津線卽成如令大北代辦只添一  
條作爲商線歸我收管亦佳不必商各使

倫敦羅星使來電

閏八月十一日

祈轉慰帥代奏初二初三等 諭旨英倫傳播咸

仰 聖明惟彼族終以首惡諸人尙未重懲爲憤  
此次禍變西人指爲十九周所未有始於毓賢成  
於剛毅趙舒翹而載漪實主之且毓賢於 行在  
輦轂之下誘殺無辜英主聞而心傷外部特送說  
帖痛陳此事伏乞 皇太后 皇上下大振天威

立子嚴辦並請 旨飭下將山西省內未死之洋  
人優加保護庶內快天下人心外服彼族羣喙國  
本不搖邦交可復 宗社幸甚中國幸甚豐祿

叩

山東袁中丞擬電奏稿一件 閏八月十一日

奏爲偏安必不可成京師必不可棄籲懇降 旨

明示轉圜以定人心而安大局恭摺瀝陳仰祈

聖鑒事竊自拳匪肇亂構衅列邦津京相繼失陷  
遼東因亦不守以致 宗社震動 乘輿播遷

薄海臣民皇皇失措莫不謂拳黨釁禍貽誤國家

疾首痛心同切憂憤迨疊奉 明詔 車駕暫幸

太原勦治匪徒議及親貴天下士庶又莫不感激  
悅服鼓舞歡呼是我 皇太后 皇上前者之

苦衷今者之英斷仁至義盡早爲中外所同欽方  
冀畿輔廓清指日 回鑾上慰 九廟在天之

靈下遂億兆蒼生之望日昨恭讀電傳本月初六  
日 諭旨現定閏八月初八日 啟鑾西幸長安

等因欽此臣等至愚鯁鯁過慮有不得不直陳於  
我 皇太后 皇上前者伏查自昔遷都出於  
全盛之時則易而安迫於多事之秋則難而危宋



臣蘇軾論之詳矣蓋臨幸雖在一時而基業實繫萬世苟徇偏安之說權宜遷徙未有不積弱不振者也況陝西地方荒瘠貧苦古稱天府今非雄都又與新疆甘肅爲鄰新疆近逼強俄甘肅尤爲回藩內訌外患在在可虞較之京師雖云完善卽就目前言之各國方以新勝之師聯合圖進我能往寇亦能往不畏數萬里之海豈畏二千里之陸恐山川之險未可憑恃卽偏安之局不可幸成也且京師根本重地四方所拱極而朝宗者也宗廟宮闕

列祖列宗之神靈所式憑者也二百餘年

來邦基固矣一旦棄之不特失臣民之望度亦非  
聖心所安前聞各國曾請退兵迎鑾不佔土地  
無論所請果否出於至誠正可藉回鑾之說以  
速其撤兵之議倘西幸愈遠是拂各國之請而阻  
就款之忱萬一激變宗旨洋兵不撤京師從此淪  
胥矣遼東不復陵寢從此阻隔矣一國變計  
各國爭先外而沿江沿海處處侵佔內而奸宄生  
心紛紛擾亂瓜分之勢成糜爛之禍亟人心愈搖  
餉源益竭而朝廷徒局促偏安爲閉關自守之  
計夫以秦隴之瘠苦供應扈從之萬眾久將不給

以一隅之兵力抗禦諸國之精銳勢必難支存亡  
關鍵實在於此臣等萬死奚足補救伏乞 皇

太后 皇上追念 列祖列宗創基之艱難俯

恤滿洲八旗生齒之蕃衍外順各國迎駕之請內  
慰臣庶懸闕之心擬請 聖裁收回幸陝成命若

乘輿已發距陝伊邇勢難折回亦乞明降 諭

旨布告天下具言此次幸陝亦係暫計俟畿輔稍

定卽行 回鑾並由京 簡派王大臣致祭

宗廟恭謁 諸陵示天下以 朝廷不忘

宗廟 陵寢之重斷無終不 回鑾之理一面

飭令全權大臣等婉告各國使臣果其退兵示以必返庶足以定人心而安大局臣等愚慮所及不敢不昧死瀝陳謹合詞電由護陝撫臣端方繕摺

具奏伏乞

皇太后

皇上聖鑒訓示謹奏

寄各省督撫河漕提鎮藩臬運道

閏八月十二日

現尚在京之各省官紳商民百物蕩然一籌莫展苟延旦夕急切望援宣懷因與肇熙錫汾官應信厚元濟樹藩廷杲則敬裕福等在上海中國通商銀行內議設救急之法懇由李傅相照會駐京各使在京設局由各省同鄉結理現先籌款隨後設法運糧均請傅相轉交如



藉眾擎得以推廣自官紳以迄商民自京城以迄畿輔  
務期盡力救濟乞卽設法勸助各省同志有專款寄其  
親友者亦可代寄除將辦法章程函達外特先電懇酌  
助感禱

江督劉峴帥來電

閏八月十二日兼致香帥慰帥

疏稿詞意膈摯極佩洋兵未退旣不敢遽請 回

鑾西幸長安又慮各國梗議 乘輿已發詎能折

回欲圖補救惟有先請 諭旨事定回京庶可杜

外人之口此奏甚有關繫卽祈慰帥商各省聯銜

電陝入奏坤當列銜初七又有 啟鑾通諭擬附

一片文曰再臣等正會商電奏閒續奉本月初七日諭旨太原荒歉供億維艱且電報不通輾轉延誤不得已西幸長安等因欽此仰見天心仁愛體恤民生並以時局急迫深慮要件或有遲誤故爲此不得已之舉是駐蹕長安可暫不可久已在聖明洞鑒之中願臣等鯁鯁過慮者則以

宗社爲重深恐各國以自棄京城爲言變其宗旨分佔要地開議無期大局不可收拾仍懇俯如臣等所請明降諭旨以慰臣庶之心以遂各國之望謹附片具陳伏乞聖鑒謹奏云祈一并裁酌

電商附發爲荷

鄂督張香帥來電

閏八月十二日兼致李中堂劉峴帥袁慰帥

茲擬會峴帥銜電致上海各國總領事託其轉致

北京各公使及聯軍各統領并由各總領事一面

電達外部其文曰探聞德俄印度兵已過天津南

下沿運河勦匪現已到天津南一百數十里將近

滄州並有赴德州之說查自拳匪作亂以來山東

袁中丞保護租界及教士教民最爲出力旣勦東

境拳匪又派兵越境勦直境拳匪共誅戮數千人

拳匪終不能過德州一步袁中丞前已屢次奏勦

匪近日又兩次聯名請懲首禍此皆山東顧全大局力阻戰事之明證 朝廷今已極意願和雖開議漸有轉機而德州屬在山東境內各國出兵以勦匪救使爲名素不仇視山東似無侵入德州之理如德兵果有此意必係憤氣未平請各總領事速發電轉懇各欽使及聯軍各統領或一面電達外部顧念山東無辜生靈不應爲直隸拳匪所累致受兵火之禍共持公義出爲勸阻使德俄兵勿至德州則非獨山東數百萬良民心感各大國之義卽南方各省聞之亦曉然共知各國毫無遷怒



無辜之舉和局一定嫌怨盡捐豈非盛美坤一之  
洞因山東保護商教與長江各省事同一律故不  
能坐視不言務望迅速轉電仍希電復等語請峴  
帥酌定後迅卽電上海各總領事並請杏翁先將  
此意探商各總領能代爲轉達迅賜示復至慰帥  
處可否亦將此意詢商烟台各總領事及膠州德  
官并請慰帥斟酌

東撫袁慰帥來電

閏八月十二日兼致劉峴帥張香帥

香帥眞亥電悉苦心孤詣顧全大局東省官民感  
銘刻骨惟迭得續探聯軍大隊由靜海渡河而西

傳說將赴保定分兵千餘至唐官屯搜查拳匪卽折回云似爲旁護隊防匪斷後非有意南向且聞各國均有兵同行惟德兵較多致各總領電似宜稍緩俟探確果南圖再發乞酌

寄劉峴帥張香帥袁慰帥

閏八月十二日

鄂擬電滬領事文頃面商熟悉總領事據云只可代達外部公使論分際不能逕達統領擬改轉懇外部及各領使又德俄印度兵擬改探聞聯軍已過天津餘甚安等語卽請峴帥徑電或由倣處鈔電函致均可

寄閩許筠帥善將軍皖王灼帥

閏八月十二日

初八 幸陝大拂各國意將攻保定慰帥擬會奏請明

降 諭旨事定回京以安中外人心諒蒙 俞允峴帥

領銜川粵東浙均列銜台端是否列銜乞示另寄奏稿

寄劉峴帥張香帥袁慰帥 閏八月十二日

東擬會奏切實沉痛尤妙在籲懇 明旨事定回京目

前係託空詞當可邀允甯附片按 啟鑾日期必須有

此補筆現聞各國有謀保定漢口兩路進兵之說想停

戰約內必有請 回鑾一節如不准難保不偪成分裂

此奏所關匪細宣去冬亦有密摺請經營陪都然非所

論於今日請慰帥附列賤名奎帥綽帥善帥均願列銜

景齋字集 卷四十二 電報十九 思補樓藏版

寄濟南袁中丞

閏八月十二日

木使震電有人密告俄德兵赴京南與袁軍相近將擬  
挑戰藉口以攻山東現款局漸近如果開則和議頓罷  
請速電慰帥斟酌飭各軍少避勿輕戰以保大局等語  
乞酌奪云

俄京楊星使電奏

閏八月十二日由滬轉西安端  
中丞代奏

恭讀屢頒諭旨仰見聖主引咎懲罪願重邦

交維持和局薄海翕然儒迭次催詢外部請俄主  
及時排解迅速開議以副國書敦託之意據外部  
稱如中朝真心和好便易効力惟聞有遷都西安



之議各國譁然謂此舉若非蓄銳集兵徐圖報復  
卽欲閉關固圉斷絕外交恐議和非出至誠善後  
必多棘手惟望 車駕還宮誠心修好兵戈待息  
商議不難等語儒數月來私窺各國意旨均願保  
和不欲生事俄尤始終如一近日 朝政中外感  
動推誠布公正可早圖了事指日還蹕決不驚犯  
車塵若果西幸將疑我別有隱情非特議結無期  
尙恐激成變局或併力西向直逼咸陽或蔓延南  
疆分據海岸其爲禍何堪設想況久延和議則大  
局益不可支自踞偏安在各國更爲得計姑無論

神京壇廟委棄痛心長安宮庭經營匪易也朝  
廷所以出此計者祇以彼軍驟難深入殺函可冀  
暫安不知庭戶與人豈能自固堂奧乘輿遠引  
勢必久踞京師且和議一日不成人心一日不定  
宗社一日不安自困自危莫此爲甚伏乞  
聖明熟思審察速罷西遷以息羣疑而挽時局迫  
切上陳無任惶悚請代奏